

四庫全書

集部

欽定四庫全書

宋詩紀事卷六十九

錢塘厲鶚撰

歐良

良南城人官司戶劉後村序其詩

句

壁固君所奇鏡亦妾所惜乍可返君璧妾鏡不可得

雜興

紅黃冬樹葉紫翠夕陽山

後村題跋

黃昇



昇字叔暘號玉林

胡季直云玉林蚤棄科舉雅意讀書閒從吟咏
自適游受齋嘗稱其詩為晴空冰柱樓秋房聞
其與魏菊莊友善併以泉石清士目之

游金精山

在贛州寧都縣道書三十五福地漢女
仙張麗英生有異質長沙王吳芮強委
禽焉麗英乘雲空中語人曰吾金仙之精降治
此山言訖沖天而去

曳履江城北逍遙訪仙鄉埽卻千里恨愛此六月涼雲
根埋宿雨木末酣斜陽峭崖列岳竇老樹攀穹蒼地坼
三關暗天開一隙光青霄麗太白應此金之芒雙桃幾

日熟冷笑癡吳王洞開人已去剛風舞霓裳仙凡本相近此理自可量學詩未學仙凡骨生慚惶

金精風月

吳汝式

汝式字伯成盱江人有雲卧詩集

游石仙分韻得觀字

閒攏兩袖秋步入沖寂觀古樹老雲中仙居毀巖半是時零雨高葉脫西風亂怪禽走何忙澀水流不漫那知張郎仙謫幻敢懸斷雷書貯紅崖愚下浪傳贊符碑儻

長靈鬼物豈歌喚尚云劒埋山安得急推斷冷翁亦張
徒精氣不如散死坐豫樟空鑿竅競窺看何不葬山原
不然棄江畔烏鳶與螻蟻豈食吾一貫獨流天地間萬
古亘光燦神仙固渺茫此事良可悅忍哉偷兒狂更擣
泥腹爛我來擬少休亭壓不敢玩黃冠三四人拙野只
欲竄延坐無好言令我住涼館飯餘且從觀逸興薄霄
漢琴鳴著高彈奕勝出奇算嘯咏壺隱樓撫事發長歎
大書同人名聊欲記遊翫陰霾淪輕寒日色候昏晏倩

人買村醪煮芋疊有案清坐二更深一睡各鼻鼾曉來
登巖頭棘路解羈絆劃開天蓋寬遠景過飛翰幽叢摘
新查窺險身發汗居然束歸裝重下西巖畔我思古之
人豈只局窮閉觀海登泰山深高世間冠斯巖雖荒榛
樂事實昭煥人心本然同今古未容判終當駕風雲高
蹈無畔岸作詩示兒童茲游吾豈憚

雲卧詩集

李顯卿

溪行

枯木扶疎夾道旁
野梅倒影浸寒塘
朝陽不到溪灣處
留得橫橋一板霜

後村千家詩

陳天錫

絕句

舍南舍北雪猶存
山外斜陽不到門
一夜冷香清入夢

野梅千樹月明村

東臯雜錄

劉祖尹

祖尹字怡堂義烏人

題石壁精舍

結廬投老瞰羣峯
隱隱松杉曲徑通
刺種池邊千畝竹
近營林下一巢風
敲眠盡絕春來夢
趺坐閒看月墮空
檢點吾生婚嫁了
子孫無事惱衰翁

義烏縣志

劉仕龍

仕龍字時甫
祖尹子知廉州

知廉州條上邊事落職
主管台州崇道觀賦感

人生百年中窮通無定跡
譬如風前花榮謝亦頃刻
當

時牧牛豎尊貴誰與敵顛顛種瓜翁乃是封侯客丈夫
苟得時糞土成拱壁一朝恩寵衰黃金失顏色古今諒
皆然我獨何歎息

義烏縣志

曹既明

過林和靖舊址

短棹不歸雙鶴去一丘烟草寄山陰水邊疎影黃昏月
無限風騷在客心

有懷湖山留題惠因院

湖山平生鄰松竹亦瓜葛深期說情話跬步成契闊豈
無朝夕思或以塵累奪何當淡相從長年席不割

冷泉亭

朱簷日轉軒窗上碧嶂雲低草樹香山影倒沈波底月
夜闌相對瀉寒光

與同舍待浴靈芝寺中

一雨洗秋色湖山增眼明翻翻水中荷作此淒涼聲我
輩本憔悴客飯千里程願言滌塵土冠蓋臨華京

夜宿浙江亭

夜半潮聲撼客牀，卧聽柔櫓鬧空江。
驚迴倦枕鄉關夢，

海日烘山上曉窗。

以上咸淳臨安志

吳玠

龍興寺

在昌化縣千頃山

松檜陰中六月清，異花靈草不知名。
客從瓊液山頭過，人在水晶宮上行。
千尺翠嵐分月色，一軒寒籟動秋聲。
登臨不厭躋攀峻，貪看雲從鳥下生。

梵安院

在昌化縣石筍山

山腰小徑細如繩
山鳥關關喜弄晴
黃菊有情留客醉
白雲無事伴人行
野流合處堪分字
草藥枯來欲問名
回首渡頭詩思逸
漁舟一笛晚風清

以上咸淳臨安志

黃文雷

文雷字希聲
盱江人有看雲小集

晚立

獨游得荒蹊
晚意與心會
水聲遠纔聞
山色靜可對
鳥

語林塘邊犬吠籬落外柴門未須關月在東峯背

西域圖

大哉天地間品類不可齊誰為好事人貌此縣度西松
花瑣碎沙草肥是閒可牧羊千蹄可憐羣鹿正走險或
爾剝割衣其皮啜湏樹樺尚有理穴顙插齒吁何為吾
聞中原全盛時重譯四走朝京師懷方象胥飭乃事幻
人詭伎何能奇還君此畫雙涕洟願賦周官王會詩

二橋圖

翔龍下卷江東土孫郎初得橋家女橋家本是重曹瞞
隻雞斗酒空酸楚衿情正用留阿瑜尚得人前稱肺腑
百年王氣竟銷沈妙寫丹青嬌欲語香閨擲管記何書
並蒂芙蓉按花譜那知不是未嫁時本末無從勘彤史
詞人多事管閒愁銅雀紛紛底歌舞儘強被髮向黃墟
只與東阿傳洛浦

昭君行

并序

自石季倫始賦昭君曲以後作者寔多不容措手每

恨沿襲之誤作漢初和親意著詠非也又按竟寧元年呼韓邪既壻漢氏其年五月宮車晏駕矣因併著之不惟祛詞人之失亦以解昭君於地下云

君不見未央前殿羅九賓漢皇南面呼韓臣無人作歌
繼大雅至今遺恨悲昭君內殿春閒關馮傅掖庭新花
隔烟霧嫖姚枉奪燕支山玉顏竟上羶車去人生流落
那得知不應畫史嫌蛾眉癡心只恐琵琶語歸夢空隨
鴻雁飛穹廬隨分薄梳洗世閒禍福還相倚上流厭人

能幾時後來燕啄皇孫死野狐落中高臺傾宮人斜邊
曲時平千秋萬歲總如此誰似青冢年年青

往年因讀岳王傳嘗為之賦今過東林睹其遺像
感而申頌之

欲壞長城豈自由江人重唱白符鳩熏天富貴還須盡
從古忠良類若讎獄吏但能書牘背相公終欲割鴻溝
書生志念閒無用長想朱雲地下遊

冬郊

冬郊見初晴空林夕陽暝歸牛無人驅欲涉行轉緩新
豪明屋山失喜雀爭喚絕勝門外人流冗及歲亂

以上
看雲

小集

胡仲參

仲參字希道清源人有竹莊小橐

晚雨

勃姑鷗舅叫樓西春色陰晴景不齊濃墨四垂收不起
明邊一片夕陽低

雪晴泛湖

雪後湖清淺令人心眼開
林疎知寺近冰合礙舟回
寒色欺吟鬢斜陽入酒杯
山行已清絕況復是尋梅

過永春縣

距城纔百里世路便難平
碣石唐人墓桃源晉地名
危譙依嶽勢荒市帶溪聲
往日罹兵火頽垣蔓草生

寒夜作

生計尚茫茫微吟思故鄉
羈愁消不盡寒夜未為長
門

掩梅花月禽翻竹葉霜挑燈裁錦字明發有歸航

和伯氏春雨中韻

兩隄楊柳拂新亭怪底遊人嬾踏青手撚梨花成小立
半窗湖水雨冥冥

以上竹莊小橐

陳伯山

伯山號東湖寓客

同廖繼道游洞霄

勝日事幽尋乘興從所適西風飄杖屨偶作洞霄客穿

雲渡澗岡捫蘿轉空碧七人今何在九鎖峯巒密黃冠
喜我輩傾懷論宿昔汲泉煮山苗異氣穿几席區區名
利人到此塵機息

洞霄詩集

程以南

以南理宗朝官祕閣校理

苕溪晚泊

一笑苕溪上微茫駐日曛鷺沙行个字魚浪出圓紋晚
色三家市秋容幾樹雲行藏知有分莫誦北山文

湖州府志

杜東

東字晦之號月渚

綠珠

以色危身豈不知甘心死別不生離樓前甲士紛如雪
正是花飛玉碎時

平山堂

平山堂下水雲重孤笛淒涼淡月中不見龍蛇飛素壁
只餘孤兔戍離宮仙翁已去風流盡世事俱隨夢幻空

廣武無人同此意慨然止有淚臨風

以上詩家鼎鑪

何宋英

題六和塔下秀江亭

吳國山迎越國山江流吳越兩山間
兩山相對各無語江自奔波山自閒
風帆烟棹知多少東去西來何日了
江潮淘盡古今人只有青山長不老

咸淳臨安志

薛師魯

師魯鄞人官郡判

苦雪

六出夫何甚經旬散野堂
喜心翻作厭瑞物恐為殃
歲晚思薪火天寒望太陽
荒村風雪裏賴有隔年糧

集

角上
耆舊

陳俞

雨後過瑪瑙寺

借屋傍精廬無事數來往
披草通泉流刻樹記筭長
微風四山落小立領松響
詎名息諸緣暫喜脫塵網

咸淳
臨安

志

潘中父

題釣臺

焚阮禍作逃園綺明哲保身寧餓死溺冠漫罵又一秦
織畚鼓刀恬不恥子房託疾封留歸齊魯大臣那可比
此意寥寥二百載阿諛往往居帝師中興天幸有光武
下士謙恭冠千古布衣本以道義交不問故人登九五
竭來過我路幾程征衫猶作戰血腥睡餘伸腳稍加腹

安得細事關天星歸歟宜審苞桑戒勿念潔身增感慨
君持大柄理乾坤我把絲綸老湍瀨釣臺集

李時

途中遇雪

天寒鴉欲棲客路尚遲遲泥滑寒驢澀風斜破帽敲雲
藏山斷絕梅苦雪禁持客裏愁無著愁邊卻有詩

後村千家

詩

吳季先

李先臨川人

遊梅壇有感

小立仙壇挹斗箕
著身高處覺天低
南昌吏隱清風在
喚醒時人一枕迷

梅仙事實

陳亦梅

梅花

江郊車馬滿斜輝
爭赴城南未掩扉
要識梅花無盡藏
人人襟袖帶香歸

全芳備祖

聞人祥正

宮詞

集句

春風院落花堆花氣濃熏入酒杯日午殿頭宣索鱠

小舟撐出柳陰來

王建

鄭獬

花藥夫人

徐師川

珠簾約住牡丹風金殿香消翠綺攏應作巫陽春夢句

日高猶睡綠窗中

宋景文
白居易

李商隱

晏叔原

珠箔輕明拂玉墀漢宮仙掌露淋漓金釵墜鬢分行立

等候官家未出時

李商隱
花藥夫人

文潞公

歐陽公

學畫蛾眉獨出羣
越羅巴錦不勝春
承恩數上南薰殿

無奈宮中妒殺人

潘閬 張曙
後村千家詩

杜甫

李白

黃祖潤

祖潤官戶曹
有和劉潛夫百梅絕句

梅花

天籟消沈斗柄斜
繞枝忽起護巢鴉
素娥青女新梳洗
來鬪寒梅半夜花

林間翠羽啄枯槎
邂逅孤筇次水涯
飛過小溪留數語

殷勤報有隔橋花

後村題跋

黃鑄

鑄字亦顏號乙山

日璐按絕妙好詞作晞顏

贄見洪師

風烟入暝少人行獨鶴來依帝子城
華表柱頭霜月冷
獨羸清夢到鐘聲

詩家鼎鑪

趙愚齋

客中清明

紅塵烏帽寄他鄉
欲語春愁怕斷腸
惆悵清明歸未得
借人門戶插垂楊

梅礪詩話

陳 琰

琰字粲山

題二陸祠

塵暗香殘二俊祠
可憐詞藻妙當時
聯鑣入洛成何事

一段淒涼鶴不知

梅礪詩話

郭君舉

天聰洞

混沌何年鑿天聰亦強名我疑龍窟宅人說鬼經營梯
向巖邊接雲從洞裏生此行頑健甚腳力十分輕

雁山志

龔桂馨

題桃花源

碧樹花開醉晚春靈槎幾度汎天津可憐太守仙緣薄
不是衣冠不屬秦

桃花源集

金子潛

于潛休寧人潭州司戶

雲巖

丹崖何突兀與客共躋攀一嘯九天闊斷雲千古閒杖
行龍虎背袖拂斗牛間願言覓刀圭乘風弄羽翰

齊雲山志

王月浦

荷花

雨餘無事倚闌干媚水荷花粉未乾十萬瓊珠天不惜
綠盤擎出與人看

瓊花

蕃釐觀裏瓊花樹
天地中間第一花
此種從何探源委
東風無處著繁華
千鬚簇蜨團清馥
九萼聯珠異衆葩
幾見朱衣和露翦
金瓶先進帝王家

以上全芳備祖

程元岳

元岳字申甫歙人理宗朝官工部侍郎

雲巖

直上雲巖絕頂峯
始知塵世有仙蹤
懸崖蘚潤經年雨

滿地花飄昨夜風，日月往來蒼翠杪。
烟霞舒卷畫圖中，瑤臺禮罷笙簫歇。
萬壑松聲自羽宮。
齊雲山志

薛師石

師石字景石，永嘉人有瓜廬詩。

東閣趙汝回序云：瓜廬翁每與四靈聚吟，獨主古淡。融狹為廣，夷鏤為素。神悟意到，自然清空。荆山劉植跋云：瓜廬耕釣于會昌湖上，多肥遯之辭。舒性情之正，得象外之趣。酌繩尺之嚴。

瓜廬

近來有新趣，買得薛能園。疎壤延瓜蔓，深鋤去草根。花

前長載酒月下只開門最識田家樂辛勤更不言

漁父詞

鄰家船上小姑兒相問如何是別離雙墜髻一彎眉愛
看紅鱗比目魚

春融水暖百花開獨棹扁舟過釣臺鷗與鷺莫相猜不
是逃名不肯來

題南塘薛圃

門對南塘水亂流竹根橘抵自成洲中間老子隱名姓

只聽漁歌今白頭

送葉宰赴豐城

君往為官處江西寇已平獄閒空劒氣堂靜響琴聲有
法催常稅無私得衆情時方急賢路名定達公卿

大龍湫

昔聞天下士衡嶽稱崇丘又聞天下水江漢為巨流古
有山海經歷歷敘九州李唐三百載詩書無一留及觀
鄮道元此地亦不收不知諾矩那何事能窮搜我來玄

妙境萬丈懸清湫石壁去無極百里彌道周雲氣冒羣岫
龍宮深以幽輕輿巖壑底竟日涉溪游陰晴異瞻矚遠
近難搜摟飄如飛素練粲若散琳瑯風掀一潭雨佛坐
四時秋喧呼勢益驟洶湧聲彌道變化有如此溥博誰
與儔吾謂神力豈繫人鬼謀稽首荷元遇久坐勞雙
眸一杯卻嵐暑旋步轟雷稠以無澹世慮歛起杞人憂
何當騎天狼滿引射斗牛

以上瓜廬詩

句

半洞容千佛諸峯共一雲

游雁山

泉涌龍頻躍山靈鳥

不來

石橋

瓜廬詩王汶跋

李炎子

炎子號竹溪

定王臺

長安輦土築高臺帝子規模亦壯哉
世事幾經羊胛熟邊愁多趁鴈聲
來城頭煙樹旌旗合柳外雲山水墨開
萬里乾坤歸老眼不堪西望正風埃

詩林萬選

徐寶之

寶之理宗時貢士

句

炊熟風瓢動吟歸雪硯枯
盡日飛花急隔溪芳草深
後村題跋

黃大受

大受字德容南豐人有露香拾槩

鄭安晚跋云黃君詩如行澗谷秋空月曉松竹
策策有聲再世屈于右階會有知者其勿督過

一丁字

油口夜飲醉卧一室及覺三鼓矣秋夜新冷雨溼
蟲鳴展轉不能成寐於是浩然有歸志

一榻脩然著醉儂沈沈清夜大槐宮夢回作惡酒氣重
枕上不眠歸興濃點滴落堦添悶雨淒清遠壁訴寒蟲
計行良未成端緒何處高樓撞曉鐘

寧化白水磔

雪瀑從天下餘流亦建瓴雙崖逼秋氣九地殷雷聲虎

穴山川險蛟涎草木腥負嵎由此徑異日不堪行

枝江九日簡周宰

日車不照出郊車門外天陰雲尚麤青州未有居士供
白衣知是誰家奴江山有恨橫饑眼萸菊無情對卧壺
羸得閒關吟苦句定無人敢喚催租

以上露香拾槩

葛起耕

起耕字君顧丹陽人有檜庭吟藁

記夢

綺寮縹緲敞虛明
鵲峙鸞停護碧城
珠藥一枝春共瘦
玉環雙佩月同清
曾題洛賦絨新意
卻拊湘弦寄遠情
十二闌干風細細
覺來依約記棊聲

次子泉韻

月轉庭花玉一闌
寶釵不卸待郎看
丁香擬結相思夢
無奈東風作社寒

樓上

樓上何人吹玉簫
數聲和月伴春宵
斷腸喚起江南夢

愁絕寒梅酒半銷

宮詞

銀漏疎風透玉屏
碧梧枝上雨三更
依稀似寫華清恨
雲冷香消夢不成

以上檜庭吟藁

陳子予

秋思

柳岸風條頓老橘林露葉猶香
門對一天秋色人行十里

斜陽

詩家鼎鑪

薛詠

詠字叔似一字沂叔天台人

游洞霄宮

羣山皆玉立中有一峯危天近秋容薄松深夜月遲洞
因尋藥入席為聽泉移此趣無人會臨風酒一卮

洞霄詩集

句

柳斷橋方出烟深寺欲浮

新堤小泛

歸心如病葉一片落江

城早秋歸興深雪偶談

馬宋英

宋英溫州人以畫名

游淨慈寺寫古松于壁因題

磨出一錠兩錠墨掃出千年萬年樹月明烏鵲誤飛來
踏枝不著空歸去

圖繪寶鑑丁大全丞相賞其詩畫急命索之人
忌其能闕不令出卒不遇

楊潛

題釣臺

遐想當年隱富春生涯只寄一絲綸幸逢白水為真主
肯向青山訪故人試問勒功依日月何如占象動星辰
回頭四七皆陳迹獨有先生迹未陳

釣臺集

黃宜山

題竹閣

移自孤山占北山荒涼老屋萬琅玕櫻桃楊柳空花夢
千古清風滿閣寒

題和靖墓

墳邊疎影尚橫斜
鶴老苔荒處士家
獨立東風難著語
只攜樽酒酌梅花

以上咸淳臨安志

李仁本

仁本號裕齋

桂殿秋辭

飛翠蓋走籃輿
亂山千疊為先驅
洞天迎目深且窈
滿

耳天風吹步虛

洞霄詩集

陳元鑑

元鑑號東澗

金陵懷古

英雄戰守幾春秋
虎踞龍盤古石頭
北固只憑江水在
中原長對夕陽愁
曹劉漫有經營志
王謝空遺富貴羞
舉目便懷千古恨
鳳凰臺上不須游

詩家鼎鑪

沈說

說字惟肖龍泉人有庸齋小集

紙衾

繭面新乾帶露揉春回斗帳伴吟愁殘年已辦蒙頭過
風雪從教打戍樓

溪樓

心遠俗塵隔樓高野興多稻花黃雀雨山影白鷗波灘
澀推船上橋危挽客過日斜闌倚徧無句奈愁何

馮公嶺

曉上馮公嶺艱難見客情雨和殘葉落身逐亂雲行野
店山腰出秋泉石罅生若將世途比此路更為平

晚春

白頭何計是生涯
日日尊前卧落花
綠滿池塘無一夢

夜來風雨過誰家

以上庸齋小集

魯應龍

應龍字子謙
嘉禾人有閒窗括異志

題飛星石

錦石雙飛下翠微
忽看移入小巖扉
靈光夜靜歸山
徑
翠影秋寒上佛衣
滇海始知鯨欲動
零陵不獨燕能

飛只今五色曾何補自採奇峯築釣磯

間窗括異志陳山觀音殿曩年忽有兩石從半山
闕墜而下一從殿後壁滾入大士座下一墜殿之
西屋瓦無損不知從何而入今二石尚存留題者
甚多余乙卯歲到祠下嘗賦于壁以記其事云

李堅

題宜興沖寂觀

玉兔朝天去不回空餘露井薦晨杯屋鈴不語明如掌
無復凌波逸士來

咸淳毘陵志冲寂觀在縣西北六十里唐周長官所居并有白兔升天捨為觀南唐隱者許堅至此浴漏湖履波而逝李堅詩云云

邵梅溪

梅溪錢唐人

曹娥江

客舟艤盡江頭月忍聽寒潮聲哽噎那知江上無情波

總是曹娥眼中血

娥江題詠



宋詩紀事卷六十九

欽定四庫全書

集部

宋詩紀事卷

七十一

詳校官監察御史臣李陽樾

侍讀臣孫球覆勘

總校官進士臣繆琪

校對官中書臣牛稔文

謄錄監生臣黃鑫

欽定四庫全書

宋詩紀事卷七十

錢塘厲鶚撰

謝耘

耘字耕道天台人

送石深之歸沃洲

嬾踏紅塵地結廬巖壑間酒催清夜別身伴白雲還賀

老湖邊月支公屋外山沃洲吟不盡天與老翁閒

東岬志畧

句

路深容馬窄樓小插花多

貴耳集謝耕道自號謝一犁有犁春圖諸公喜于納交善滑稽三十年間天下詩人未有不至其室詩軸不知幾牛腰巾高二尺餘方口大而行于市孰不曰謝一犁因是名滿京洛壁間寫詩中有一聯云云事繼母極孝母九十七八該慶典初封人榮之

吳浚

浚字允文盱江人有集

重過瑞金江

水瘦灘聲健天寒霜意新犬牙舟過石魚貫路行人到

眼心應識回頭跡易陳時平刀劍息失喜問遺民

客中

斷雁嘯雲天雨霜客中何事不淒涼玉梅約住東風信
更讓黃花半月香

春日

畫堂簾箔碧籠蔥午夢模糊燕語中微雨嫩晴天似醉
鬧紅吹上海棠風

以上吳允文集

張濡

濡號松窗

遊大滌山

危樓拱翠出層空
畫棟朱闌縹緲中
客散月明風露下

一匝天棘伴絲桐

洞霄詩集

韓準

準號鶴山

九月梨花

粉膩迷春月滿枝
誤隨秋日弄芳菲
料應潛作春宵夢

剛被西風不放歸

詩林萬選

陳叔堅

叔堅字堅甫號遜齋

送素上人遊方

不是無衣鉢師心酷愛山
自言行腳好卻厭住菴間野
水寒林外孤雲夕照間
清遊何處寺須寄好碑還

詩家鼎鑪

葉善夫

芹溪小隱

在建陽

芹溪處士古人風
寶劒塵埋未化龍
舊隱至今名不朽
扁題原出紫陽翁

建寧府志

仇從簡

從簡號芋田

句

雪翻夜鉢裁成玉
春化寒酥剪作金

詠酥黃芋
清供

山家

周彥夫

天津橋二首

下車聊復問何如尚憶重來四紀餘
鐘阜秦淮俱好在
祇憐雙鬢自蕭疎

聯鑣去作蔣山遊路轉天津遠
御溝忽作故都禾黍恨
洛陽宮殿鎖千秋

景定建康志

黃文度

文度號小園

白藕

白藕花前一信風
颯然吹雨到梧桐
可憐一段淒涼意

併入西窗客夢中

詩林萬選

劉清軒

句

可笑吳癡忘越憾卻誇范蠡作三高

陳郁話腴嘗見有人彈范蠡文云吳江三高即
越之范蠡晉張季鷹唐陸魯望也范蠡越則謀
臣吳為敵國假扁舟五湖之名居笠澤三高之
首況當無邊勝地之上著此不共戴天之讐其
視菰菜蓴羹敝屣名爵筆牀茶竈短棹江湖者
豈容與之並駕臨風聯鑣釣雪耶劉清軒云云
見譏固已深矣

薛琦

琦鄞人

題荆浩畫青山白雲卷

渺渺山上山隱隱樹邊樹雞犬不聞聲居人在何處

上甬

耆舊集

李楫

楫號碧山

有約

楊柳垂隄水遶門
可人清景近黃昏
明朝有約誰先到
手招花梢記月痕

詩林萬選

王輝

輝古汴人

楊柳枝

密密陰陰漢將營
春風吹斷鼓聲聲
少年不說封侯事

柘彈銅丸落曉鶯

詩家鼎鑪

史繩祖

繩祖字慶長曾遊魏鶴山之門著學齋佔畢

紅莧

易稱紅莧美柔英夬決窮陰日旅辰不以色紅為貴尚

何因赤莧有仙人

圖經明州赤莧山土傳赤莧仙人所種學齋佔畢

周伯仁

伯仁字及之南昌人

句

照天不夜梨花月落地無聲柳絮風

春雪桃源手聽

易寓言

杜鵑花

輕剪梢頭薄薄羅
子規湔血恨難磨
園林莫道香飛盡

嫩綠枝頭不用多

全芳備祖

曾蘭墅

西湖夜景

閒窗放入四山青
古篆無烟氣自清
風不鳴條花著露

一湖春月萬蛙聲

咸淳臨安志

李軾

畫楊妃扇

頗憶前身是謫仙
硯煩親捧玉堂前
如今再閱嬋娟面

不覺人間五百年

翰墨大全

王公燁

梅花

枯霜翦盡千林葉
纔放江頭第一春
瘦影看來天愛畫
孤根生處地無塵
夜郎歲晚逢羈客
谷口寒雲見似人

絕是精神吟不盡好枝和月插紗巾

後村千家詩

葉豈潛

豈潛字潛仲金華人佐廣西漕幕

蟬

柳邊曉立看蟲蛻化作風餐露宿身林靜盡長吟不絕
騷騷清苦似詩人

鰕魚

漁翁今度筭簪富政是桃花水膩時網得文鱗如墨錦

貫來楊柳是金絲

以上後村千家詩

黃登

登字瀛父號南溪有適意集

山中曉行

上到山巔曉色分
眼看殘月待朝昕
望迷四顧渾如海
立欲移時祇是雲
隱隱樓臺平地見
行行鐘磬半天聞
舉頭頻覺青霄近
我欲乘風謁帝君

後村千家詩

黃師參

師參字子魯號魯巷

過廬陵

昔年棲迹處今訪不知門
華屋半塵土故人餘子孫
少畱誰共語欲去轉銷魂
落日江樓遠江山空復存

李鹹谷歌

李鹹谷真詩人無枝可棲雲
水身去年縣官為架屋纔
有數枝堪寄宿朝廚無烟吟
正高癡兒叫怒吟轉豪人
閒六月盡締服獨著春衫涼
自足黃雞白酒東家畱西

家欲畱還佳休鑿池養魚未盈掌有客過門須舉網
網收魚盡鏡匳空菜羹作供尤春風谷之山竊復深誰其
友之紫芝民谷之水清且泚誰其似之巢父耳再拜號
君賊谷子白頭結交從此始

以上詩家鼎鑪

潘 亥

亥字幼明號秋巖裡子

寄趙紫芝

長安獨跨驢一別二年餘朝士不能薦承明空有廬窗

虛桐影薄擢冷桂花初莫怪無書札心親迹任疎

前賢小集

拾遺

社日

聽得東風急吹乾小徑泥雨多花放早水滿燕飛低貧

女不知緯幽人只此棲依依懷去歲摘茗白壇西

東甌詩集

葉茵

茵字景文笠澤人有順適堂吟豪

偶成

春來晴復陰因物悟浮生杜宇鄉心重楊花世事輕知
非蘧伯玉覺是晉淵明此意誰人會騎牛訪耦耕

蘇隄

南北山圍翡翠隄邊綠漲軟琉璃參差臺榭無餘地
雜踏輪蹄了四時楊柳又多前日樹梅花祇少近人詩
停篙不看春風面閒伴漁翁理釣絲

山行

青山不識我姓字我亦不識青山名飛來白鳥似相識

對我對山三兩聲

室人墓下

楚愴埋香地卿須念橐砧齊眉中道訣同穴百年心刀
尺凝餘澤松梧帶老陰可能如饁婦相對白頭吟

有所思

仰天有所思心遠目苦短西風驅殘雲千里月華滿

元夕

夢想傳柑宴村醪可試沽漫酬元夕爾不復去年吾舊

事思清汴幽情卜紫姑六分春已一秉燭步通衢

香奩體

千里相思兩寂寥東陽應減舊時腰書中喜有歸來字
攜倚紅窗把筆描

以上順適堂吟藁

潘鄭臺

一作鄭臺

詠梔子花

未說司花刻玉工已知名與佛相同可憐結了薰風子
依舊身歸色界中

全芳備祖

周吟軒

蒿

野蔬山芋慣寒酸
羹綠齏黃頓頓餐
及到新年立春日

卻無生菜上春盤

全芳備祖

李濤

濤字養源臨川人有蒙泉詩藁

登高丘而望遠海

登高丘望遠海
萬里長城今安在
坐使神州竟陸沈
夷

甫諸人合羶醢望遠海登高丘知我者謂我心憂不知
我者謂我何求歸枕蓬萊漱弱水大觀天地真蜉蝣泉蒙

詩豪

黃深源

深源字益長三山人

秋日寄懷友人

幾度裁書無雁休思君天闊水悠悠自從席上飛花後
又見江頭落木秋背壁一燈憐瘦影誰家雙杵動新愁

不知今夜西風裏人倚月明何處樓

詩家鼎鑪

周承勛

承勛字希稷官瑞州新昌尉

題度門院

在瑞州

才入度門寺先觀覺範詩昔人吟不盡今日到方知地

僻寒來早山高月上遲池邊老修竹曾映董生幃

自注
龔龍

圖端書堂在焉

宿玉龍宮

夜熱松明火朝焚柏子香舉家來萬壽佳節遇重陽雨
止雲穿日風高天欲霜吾廬籬下菊應怪未還鄉以上
娛書

堂詩話

鄧林

林字性之號四清社友臨江人有皇芩曲

蕭小山跋云皇芩曲詩古如洞庭樂其思幽律
如嶰谷箭其和宣絕如喬木嚶其音治

玉兒

金蓮華上俞尼子永壽神仙羅繡綺苑中荊荻布令嚴

玉像支離瓦官寺六宮鴨刺起淫風太白便應縣姐已
此身肯許兜鍪夫猛為東昏判一死到今羞殺賣降人
去作練兒梁姓臣

朱彥和

文如玉海動時流曾以書綦伏隱侯武德閣前消幾語
卻令梁氏缺金甌

任蠻奴

千里旌旗已渡江蠻奴苦諫喚蕭郎卻持官裏黃金去

望拜韓擒石子岡

石崇

梓澤神仙第一居，爭豪不惜碎珊瑚。
荊州使客知何罪，未必亡身為綠珠。

送衡山琴畫張道士

滿天風月澹蕭條，三尺孤桐古調高。
不敢問君聽別操，請彈二十五離騷。

滿空煙雨澹模糊，三尺霜縑老墨枯。
不敢問君求別景，

請描七十二峯圖

九里松

松是山靈一手栽
堯天長就棟梁材
龍髯怒起春風急
似怪游人喝道來

以上皇芻曲

鄭燠

燠字君瑞

句

月似故人能赴約
鷺如小友可忘年

和劉後村詩話
後村

王默

默字識之

梅花

知己林和靖論心何水曹平生懷玉雪獨立占風騷月
落香方覺天寒韻更高搜吟吟未就清夢滿江皋

詩林萬選

張仲節

仲節建安人有玉澗臺

句

蝴蝶似知春夢熟穿花飛度畫屏東

閨思

後村題跋

吳鋼

銅琚之子官臨安京倅

崇壽寺

在西湖方家峪高宗朝劉妃建

坳徑石齧齧梅枝礙竹斜舊封妃子院殘照覺王家亭
砌旋風葉巖流出洞花飽參塵世味得似野僧茶

天申萬壽圓覺寺

在西湖之九里松高孝兩朝皆臨幸

梵室香飄隔竹聞壁間肆筆爛奎丈山深翠輦經行處

猶卧從龍數點雲

以上咸淳臨安志

姜補之

補之字伯玉

雪夜問梅

一年春事五更初夢覺寒香乍有無
門外不知深淺雪

祇應消瘦玉肌膚

前賢小集拾遺

方菊田

絕句

數葉芭蕉數葉秋燈長雨久不眠愁靈溪寺裏夜曾聽
又聽靈溪溪水流

全芳備祖

全大用

海棠

少陵不賦海棠詩留待風流相國詞聞種錦窩三百本

春風纔起蜀人思

全芳備祖

姚顯

顯雪川人

遊九鎖山

九鎖碧陰涼行人古道長
四山松雨過一路稻雲香
怪瀑驚危磴殘蟬亂夕陽
長安金屋好夢不到山房

洞霄詩集

徐珏

珏號耕巖

遊洞霄

凡世纖塵不敢侵
瑤關自鎖白雲深
地靈佳木有仙意
山靜啼禽多好音
五洞暗通蓬島路
九峯密拱石壇陰

步虛聲了幽人暇一棹爐香三弄琴

洞霄詩集

蕭汎之

讀秦紀

築了連雲萬里城春風弦管醉中聽淒涼六籍寒灰裏

宿得咸陽火一星

梅礪詩話

徐介軒

桂花

翠葉金花小膽瓶輕拈款艱不勝情從教失陷沈烟裏

薦地薰心夢也清

謝幼謙

酴醾

香雪支離半墜風柔條無奈不成叢阿蠻如許風流骨

打困秋千細雨中

全芳備祖

郭忠謨

溪居

鑿破青山骨初營數畝丘泉分幽竇乳峽束大江流漁

唱來花徑山光落釣舟沙鷗驚笑語片片起滄洲

後村千家

詩

黃今是

漁父詞

青烟何處淡孤洲有客經年業一鉤芳草渡頭新貰酒

碧雲天際已歸舟

宋藝圃集

吳陵

陵字昭武

盱眙郡樓

風物淒涼天地秋，憑高不盡古今愁。
關河北望三千里，淮泗東來第一州。
日暮邊聲傳畫角，早寒霜氣襲重裘。
干戈瀕洞何時靜，王粲長吟獨倚樓。

詩林萬選

甘邦俊

題梅壇

火德中微否未傾，朝陽一疏鳳先鳴。
如公忠論能旋聽，彼莽姦謀未易成。
萬古仙名香宇宙，幾人遺臭腐公卿。

至今風吼松聲怒似為先生訴不平

梅仙事實

任拙齋

醪醕

一年春事到荼蘼香雪紛紛又撲衣盡把檀心好看取

與留春住莫教歸

全芳備祖

吳明老

明老建陽人

小園解后錄明老剛介有志操詩文雖不純意趣亦殊可采

偶成

西風颯颯動長林
斗酒沽來伴月斟
慷慨未應憂短褐
悲歌元不為秋砧
誰云塞馬年年健
自是君門浩浩深
世祖丰神似高帝
楚囚珍重莫霑襟

詩人玉屑

陳疇

題釣臺

故人已了中興事
贏得溪頭伴釣竿
喚起先生同一笑

青山自在白雲閒

釣臺集

謝堯仁

詠芍藥

花蓓大如拳花面或徑尺紫者棲紫鸞黃者浴黃鵠或
似扶桑枝推上一輪赤或似玻璃盆稍久擎無力又有
似平叔愛矜素粉白又有似蜀人喜染天水碧或似包
綠錦未放丹砂坼或似浴青囊未放沈麝發應須和露
翦莫使見顏色庶幾精神全免笑花無骨

全芳備祖

徐安國

安國號春渚

大滌洞

大滌山藏碧玉函
神龍護穴虎馴巖
華陽遂道通仙處
始見元同骨不凡

洞霄詩集

妙庭觀

玉笙聲絕瑤池杳
桂殿風生幾度寒
空使時人慕雞犬

埽除槃鼎舐遺丹

杭州府志

王堅

梅壇

曾向梅窗覓隱仙，誰知結屋此山顛。
讀書堂下三更月，燒藥爐中幾度煙。
鸞影已隨天上去，虹光空盼世間傳。
疾邪一疏吾能抗，隱世高名媿獨賢。

後村千家詩

孫抗

題隱山南華洞

峭徑入蒼烟，他山盡一拳。
上盤朱鳥翼，中寓漆園仙。
清可攜壺賞，涼堪枕石眠。
九疑生接境，曾此按薰弦。

桂林府志

鄭夢周

漁父

披卻蓑衣翁自漁
青荷包飯柳穿魚
歸時坐在短篷底

白占一溪雲水居

後村千家詩

李春伯

鷺鷥

春暗汀洲杜若香
風標公子白霓裳
碧天片雪忽飛去

何處人家水滿塘

後村千家詩

宋詩紀事卷七十

欽定四庫全書

宋詩紀事卷七十一

錢塘厲鶚撰

葉紹翁

紹翁字嗣宗建安人有靖逸小集四朝聞見錄

西湖秋晚

愛山不買城中地畏客長撐屋後船
荷葉無多秋事晚又隨鷗鷺過殘年

秋日遊龍井

引道煩雙鶴攜囊倩一僮竹光杯影裏人語水聲中不
雨雲常溼無霜葉自紅我來何所事端為聽松風

出北關一里

脫衣命僕浣塵埃籬落人家未見梅出得城門能幾步
船頭便有白鷗來

嘉興界

平野無山盡見天九分蘆葦一分烟悠悠綠水分枝港
撐出南鄰放鴨船

九日呈慎直院

秋風吹客客思家破帽從渠自在斜
腸斷故山歸未得
借人籬落種黃花

賦葛天民栽葦

葉礙漁舟入叢分水國寬低回藏鷺渚
髣髴釣魚竿
蕩戶和萍送溪翁當竹看所憐如許節
不耐雪霜寒

西溪

一條橫木過前溪村女齊登采葉梯
獨立衡門春雨細

白雞飛上樹梢啼

以上靖逸小集

猫圖

醉薄荷撲蟬蛾主人家奈鼠何

隨隱漫錄

漢武帝

殿號長秋花寂寂臺名思子草茫茫尚無人世團圓樂

枉認蓬萊作帝鄉

齊東野語

黃榮仲

江上晚眺

十里滄波自在流，滿天風月下蘆洲。
待攜六幅生綃去，

畫出江南水墨秋。

後村千家詩

王君良

江行

暮雲含雨意，江路轉淒清。
秋泊扁舟處，時聞孤雁聲。
莫

愁秋欲老，只是客闌情。
不信他鄉恨，吟邊分外生。

後村千家

詩

劉翼

翼字躔父福唐人有心游摘橐

林肅齋序云躔父與予同事樂軒先生鄙夷場
屋之技獨力于詩晚而傲世自樂盡去繩墨法
度自為樂軒一家之言如娑羅林中最後說法
六師諸魔聞者益懼矣

伯言見和拙作以漢隸書之謝以七韻

李潮善八分求歌杜陵叟有人和我詩半紙餘科斗風
雲生其懷劒戟出其手石經中郎蔡新樣元和柳元常
文不傳退之書何有待我農隙時載筆隨君後袖手眼
亦明聊與之飲酒

山寺聽雨

問道論詩也一宗燒柴煨芋佛家風要知真樂人間少

聽雨空山破寺中

以上心游摘蒙

周端臣

端臣字彥良號葵窗御前應制

內人燒香圖

花底燒香深閉門宮鴉棲了已黃昏君王未識無人妒

雖不承恩卻感恩

詩家鼎鑪

落梅

條脫空嗟萼綠華
俗塵誰見駐香車
數聲畫角單于塞
一曲山香阿母家
墮砌尚疑妝後粉
點衣猶認唾時花
別來埋沒春風面
幾度虛窗歎月華

買木犀花

拚卻杖頭沽酒物
湖邊博得木犀花
西風可是無拘束
一路吹香直到家

以上後村千家詩

古斷腸曲

條風窗戶柳陰陰
雲碧春衫護水沈
花裏小闌人不到
流鶯啼起去年心

依舊斜陽燕子樓
共誰把酒話閒愁
韋娘去後西風老
爛漫黃花滿院秋

詩林萬選

袞親崇壽教寺

萬竹蒼寒擁寺門
寺碑金字御書存
榮華冑信當年事
儀制空留後世恩
影閣有聲塵網暗
殯宮無月土花昏
見梅不敢輕扳折
恐是春風水際魂

西湖遊覽志寺在清波門外方家峪俗稱劉娘
子寺宋紹興十八年劉貴妃建妃臨安人入宮
為紅霞帔得幸累遷才人婕妤好婉容尋進貴妃
專掌御前文字工書畫上用奉華堂印父懋因
金人南侵獻錢二萬緡以助軍費高宗嘉之遂
令建寺以為功德有泉自鳳凰山下注為方
池命曰鳳凰泉于湖張孝祥書刻內有松雪亭
觀音洞筆架池偃松交枝檜壁間陳公儲畫龍
甚奇周端臣詩云云

題葉靖逸東菴

一菴自隱古城邊不是山林不市廛落月半窗霜滿屋

卧聽宰相去朝天

宋藝圃集

施文煇

金陵作

紫蓋東南久寂寥
石城烟霧壓岧峣
登臺倦客懷千古
宿內閨人夢六朝
御苑雲浮曾拾翠
舊橋月落尚吹簫
諸公不說新亭事
目斷空江半日潮

景定建康志

鄧夢杰

夢杰盱江人

賡梅山壁間韻

媿我身名墮褐冠無因安得到仙壇子真雖隱名難隱

萬古高風凜凜寒

梅仙事實

張 槩

槩南徐人

題雨花臺

莫說南朝勝槩繁祇今近郭已江村臺荒浪紀曼花墜
事往空餘古意存甌缺正緣輕納景鼎分誰謂不如孫

滔滔千載興亡恨盡付凭欄對月樽

景定建康志

徐獻可

獻可永嘉人官至泉州守

書齋

十日書齋九日局春晴何處不間行
瓶花落盡無人管

留得殘枝葉自生

東甌詩集

聞九成

九成餘杭人

洞霄山隱齋

餘杭之山天柱峯下有石洞蟠蒼龍齋居無塵山四合
仙人宴坐空翠中夜捫北斗罡氣接晨吸東日精光通
醉凌高風駕白鶴笑視黃庭驅玉童人間自有赤松子
方外或友洪崖公丹泉吹陰曉霧碧野果變色秋山紅
獻酬且盡琉璃鍾笑談便是蓬萊宮冑如金粟衰病翁
散花丈室談虛空

洞霄詩集

徐千里

茉莉

炎州綠女雪為肌十二朱闌月未移香逼簾紋眠不得
為渠醒到打鐘時

後村千家詩

饒良輔

良輔字昌朝號竹溪

竹徑步月

素月流空天不夜清輝散入疎林下下有幽人獨往來

杖藜縹緲誰能畫

詩家鼎鑪

朱承祖

鶴林寺

鶴林古竹院馬素舊松關草合門前路雲埋寺後山花
神千載去僧話片時閒滿壁瑰奇句慙窺豹一斑

鶴林寺志

鄭雲林

海棠

貪詩閒費一生心水際雲崖到處尋可惜春光吾老矣

海棠烟雨閉門深

全芳備祖

范仁仲

題梅仙山

說到神仙事渺茫
壽春亘古此靈場
松邊白隱千年鶴
嶺外紅拖幾夕陽
霞馭月寒時弄影
斗壇風冷夜聞香
先生不必真人號
自與乾坤共久長

梅仙事實

蔣夢炎

寒食

不暖不寒寒食天
小橋楊柳未飛綿
三分春有一分在
十日晴無兩日全
桐角喚回前嶂曉
子規啼破隔江烟

麻帶素髻誰家女哭向墻間送紙錢

後村千家詩

馬知節

知節字介卿環溪人

日瑤按宋史馬正惠知節字元祥符人此字介卿

環溪人見宋刊詩家鼎脣所選俱南渡人詩蓋與正惠同姓名者

枯梅

斧斤戕不死半蘚半枯槎寂寞幽巖下一枝三四花

詩家

鼎脣

阮南溪

梨花

繽紛紫雪浮鬚細
冷淡清姿奪玉光
剛笑何郎曾傅粉
絕憐荀令愛熏香

合璧事類別集

呂防

防臨川令

題梅壇

封事悠悠即挂冠
蒼煙古木鎖空壇
當時不識蓬萊客

祇作南昌一尉看

梅仙事實

王安之

安之字叔安號藥窗

寄友

憶昔青燈夜坐牕吟猿聲裏早梅香一從去槿衝寒雪
幾度凭闌到夕陽秋思漸于蟬外覺別愁空入雁邊長
梧桐解得離人意不遣西風葉盡黃

詩家鼎鑪

張異

異新昌人

題梅壇

上疏歸來日已西山中旋製薜蘿衣謀身豈為金丹祕
去國應知火祚移風露滿林蟬幾蛻松杉遶屋鶴孤飛
辦香僕僕非公願自有忠誠天地知

梅仙事實

賈仲穎

仲穎永嘉人

句

燈花寒影裏詩句雨聲中
盡開窗戶容秋月徧倚闌

千看晚山

後村詩話

葛逸

虎丘呈元機上人

樓觀倚雲端
烟收陸海寬
蒼厓留劍跡
古木見龍蟠
石徑青苔滿
霜林木葉乾
凭闌千里豁
爽氣逼人寒

虎丘志

富嚴

游虎丘

繚繞禪關鎖
翠微游人到
此便忘歸
古今不盡春
風恨

一劔清泉浸落暉

虎丘志

謝子才

柳

嫩葉吹風不自持
淺黃微綠映清池
玉人未識分離恨
折向堂前學畫眉

後村千家詩

宋自適

自適字正父金華人號清隱

早行

西郊雲起白漫漫近樹遙峯欲辨難山下幾多迷路者
人間方夢大槐安

梅礪詩話

柳

絲絲烟雨弄輕柔偏稱黃鸝與白鷗繞著一蟬嘶晚日
西風容易便成秋

全芳備祖

句

江湖多少盟鷗地莫近平津閣畔行

送愿父弟
山題跋

真西

路德章

盱眙旅舍

道旁草屋兩三家見客搗麻旋點茶
漸近中原語音好不知淮水是天涯

詩人玉屑

王顯世

顯世字子亦南安人官寧都令有容安橐

烏駐道中

蹲鴟用事謝黃獨木奴弄色陵烏桺落日人行桑柘裏
西風雁過稻梁時故山秋晚正如此遊子天寒何所之

一笑沙禽忽驚去水邊的樂早橫枝

詩家鼎鑪

尤端

端袞諸孫理宗朝官臨安府倅浙東提刑

題蘇端明書乳泉賦後

萬籟既寂一氣孔神吸彼沆瀣沃此肺膺至陽之精天

一所生欽哉此詞展也大成

式古堂書考

喻汝楫

征夫

白骨茫茫散不收
朔風吹雪度瓜洲
殘陽欲落未落處
照盡行人今古愁

詩人玉屑

丁木

木字子植天台人

次揚州何安撫節機韻

送別邗江路梅花作暮愁
關情何水部回首古揚州
雁影明寒水冰漸澀去舟想應今夜宿霜月滿瓜洲

詩家鼎鑪

葉元素

元素字唐卿號苔磯

絕句

家住夕陽江上村一灣流水護柴門種來松樹高于屋
借與春禽養子孫

後村千家詩

吳吉甫

句

真水黃芽長香風玉杵鳴不為三窟計永伴一輪明

漕試

搗藥兔長生詩

困學紀聞

李杜

杜號棗坡

過廢寺

溪沙橫漲水痕平閒扣雲關壁半傾殿上土花人不

斷甎支睡聽蟬鳴

詩林萬選

高鵬飛

鵬飛字南仲餘姚人有林湖遺橐

湖上

好景難逢奈老何十年此地絕經過山如得意晚猶碧
雨亦知愁秋更多造化從渠旋磨蟻功名笑汝撲燈蛾
湖邊直欲呼船去更共漁人挂綠蓑

林湖遺藁

李 龔

龔字和父號雪林笠澤人家吳興三滙之交效
元白歌詩不樂仕進年登耄期有漱石吟梅花
衲翦綃集

佩楚軒客談和父自作墓誌云孰生予孰死予
予不自知為文之徒詩之徒今瘞于斯孰知伯

道之無兒未幾死趙文曜為誌葬之何道兩山
間樹梅百株趙德符題碣曰宋詩人雪林李君
之墓

梅花集句

林蘿深處過溪橋眼底青山映寂寥真態生香難畫得

一枝春瘦雪初消

林逋

蘇養正

又

可正平

吹殺梅花影裏燈淒涼一似觀堂僧滿山明月東風夜

茶煮西岫瀑布冰

張鑑
花初

周文璞

羅鄴

貫休

梅

公無渡河

屈平沈湘不足慕公無渡河兮公苦渡行搔短髮提壺
漿玉白蘭芳不相顧驚波不在黯黯間顏色錯漠生風

烟其下無底旁無邊何用將身自棄捐

李賀 王觀
李咸用

溫飛

卿齊已 盧仝 白居易 王建

重宿吳林居園亭逢雪

小隱西亭為客開舊題詩句沒蒼苔銀河風急驚沙度

酒作凌澌火作灰

許渾

鄭谷

李咸用

姚合

寒食

一年唯此兩三辰落拓東風不藉春歌酒家家花處處

何曾紫陌有閒人

熊孺登
以上翦綃集

李山甫

白居易

羅鄴

盧梅坡

春日

紅芳滿眼關風流誰信春來有客愁惆悵不干桃李事
故山烟雨憶松楸

閔雨

百萬人家井水黃江南大半田無秧乖龍豈是為霖物

貪弄明珠簸日光

以上後村千家詩

季履道

履道號澄江

龜山

濁酒三秋館青燈半夜花故人渾在目幽夢暫還家
淮近風偏惡山高月易斜新霜何處雁片影落平沙

詩林萬選

葉杲

杲字謙夫永嘉人官史館檢閱

東山堂

何處著詩癯巖邊有隱廬雲生春樹合魚響夜潭虛住
久無他姓山空應讀書平分謝池月吾亦百年居

東甌詩集

方景絢

景絢字武子莆陽人擢第終于郡掾

題壁

明月照齊州玉龍棲欲起壯士腸夜迴寒衾潑秋水

劉後村題跋

何洪

洪號梅境淳安人

溪居冬夜

茅屋瀕溪只數椽
護籬黃犬枕莎眠
柴門不掩松梢月

恐有山陰泛雪船

青溪詩集

車瑾

瑾字元瑜黃巖人號敬齋

馬家山

在黃巖縣

山頭紅日生山下螳蛙爭朝市誰能問煙雲我自耕胡
牀調紫蕨黃獨煮香秔無意隨園綺逃名更得名


台州府志

朱輔

虎丘

自許胷中著一丘飽于世路合休休未陪靖節遠公社
且與景常元慧游四野凍雲催雪到五湖春浪蹴天浮
不將拾翠相隨去碾罷新茶即泛舟

虎丘志



宋詩紀事卷七十一